

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON / KANTON SREDIŠNJA BOSNA

**Ministarstvo privrede / gospodarstva**  
TRAVNIK

Na osnovu člana 9. Zakona o kantonalnim ministarstvima i drugim tijelima kantonalne uprave («Službene novine Srednjobosanskog kantona», broj: 8/03 i 14/03) te na osnovu tačke IV Odluke Vlade Srednjobosanskog kantona o usvajanju programa utroška sredstava, sa kriterijima raspodjele sredstava, sa pozicije «*Transfer za poticaj privredi*» Budžeta Srednjobosanskog kantona za 2010. godinu broj: 01-02-162/10 od 06.05.2010. godine, Ministarstvo privrede objavljuje

**JAVNI NATJEČAJ**

**ZA ODABIR KORISNIKA SREDSTAVA  
„POTICAJI PRIVREDI“ ZA 2010. GODINU**

**I. PREDMET NATJEČAJA**

Predmet javnog natječaja je prikupljanje programa – projekata za raspodjelu sredstava sa pozicije 'Transfer za poticaj privredi' utvrđenog Budžetom Srednjobosanskog kantona za 2010. godinu («Službene novine Srednjobosanskog kantona», broj 1/10) Ministarstvu privrede Srednjobosanskog kantona.

Program utroška sredstava, s kriterijima raspodjele sredstava sa pozicije "*Transfer za poticaj privredi*" Budžeta Srednjobosanskog kantona za 2010. godinu usvojila je Vlada Srednjobosanskog kantona na 74. sjednici održanoj dana 30.04.2010. godine, Odluka broj: 01 – 02 – 162/10 od 06.05.2010. godine.

Nazivi projekata, mjere i aktivnosti svrstani su u slijedeće lotove:

**Lot 1** - Izgradnja poduzetničke infrastrukture

**Lot 2** - Poticaj udruženjima poduzetnika i obrtnika.

**Lot 3** - Poticaj za obrt (opstanak i razvoj tradicionalnih-starih zanata).

**Lot 4** - Poticaj turističko-ugostiteljskoj djelatnosti.

**Lot 5** - Poticaj za opstanak i rast subjekata male, srednje i velike privrede,

**Lot 6** - Poticaj za subvencioniranje administrativnih troškova kod registracije (otpočinjanja) obrta i subjekata male, srednje i velike privrede kao i administrativnih troškova kod izgradnje poslovnih-proizvodnih objekata,

**Lot 7**-Izgradnja inovativne privrede (inovacije; uvođenje ISO standarda; osiguranje CE znaka; transfer znanja i tehnologija).

**II. PRAVO UČEŠĆA**

Pravo učešća na javnom nadmetanju imaju Općine; gradovi; institucije poduzetničke infrastrukture kao pravne osobe; poduzetnici-vlasnici subjekata male privrede i poduzetnička udruženja koja imaju odluke jedinica lokalne uprave o izgradnji poduzetničke infrastrukture (Lot 1), Udruženja poduzetnika i obrtnika

(Lot 2), Obrtnici koji obavljaju obrtničku djelatnost u skladu sa Uredbom o zaštiti tradicionalnih i starih zanata („Sl.novine F BiH“, broj 66/09) (Lot 3), te pravna lica – subjekti male, srednje i velike privrede (Lot 4, Lot 5, Lot 6 i Lot 7) i fizička lica – obrtnici (Lot 4, Lot 6 i Lot 7) koja su na području Srednjobosanskog kantona registrovana za obavljanje djelatnosti koja je predmet javnog nadmetanja i koja će projekat realizirati na području Srednjobosanskog kantona.

Ne mogu se kandidovati slijedeći projekti: kupovina udjela u društvima, ulaganje u kockarnice, ulaganje u vrijednosne papire, ulaganje u poljoprivredu za kupovinu poljoprivrednog zemljišta, dugogodišnje nasade i osnivanje stada ili jata, u projekte za koji su predviđeni poticaji i premije, finansiranje ekološki neprihvatljivih projekta, ugostiteljske objekte koji imaju pretežno točenje alkoholnih pića, te za obrtna sredstva.

Nemaju pravo učešća na natječaju subjekti kojima od strane Ministarstva privrede nije prihvaćen izvještaj o implementaciji programa i rezultatima ostvarivanja programa po ranije dobivenim poticajnim sredstvima.

### **III. SADRŽAJ PROGRAMA – PROJEKTA**

Program – projekat mora biti urađen sadržajno po elementima zahtijevanim u tenderskoj dokumentaciji ovisno o pojedinom lotu. Da bi program – projekat bio predmet razmatranja stručne komisije potrebno je dostaviti slijedeće:

1. Podaci o ponuđaču: naziv, adresa, tel/fax, e-mail, osoba za kontakt, pravni status, vlasništvo, registrirani kapital / ulog, identifikacijski broj, transakcijski broj, datum registracije, vrsta djelatnosti, broj uposlenih po zahtjevu iz programa, troškovi investicije – ukupna ulaganja, iznos sredstava koji se traži od Ministarstva privrede.

2. Kompletan program – projekat.

Program – projekat obavezno mora sadržavati: glavni investicioni projekt, sažetak, te uredno popunjene obrasce iz tenderske dokumentacije.

3. Obavezni prilozi (originali ili ovjerene kopije):

- Rješenje iz sudskog registra sa svim pojedinačnim prilogima / rješenje o odobrenju nadležne općine za obavljanje djelatnosti obrtnika ili fizičkog lica/rješenje o upisu u registar udruženja i fondacija,

- Uvjerenje o poreznoj registraciji / uvjerenje o registraciji obaveznika poreza na dodanu vrijednost,

- Izvještaj o finansijskom poslovanju – bilansa stanja i bilansa uspjeha za 2009. godinu ili prijava za razrez poreza na dobit fizičkog lica od privredne ili profesionalne djelatnosti,

- Uvjerenje nadležnih institucija o redovnom izmirenju obaveza po osnovu javnih prihoda (doprinosa za PIO/MIO i zdravstveno osiguranje sa 30.03.2010. godine) s podacima o broju prijavljenih radnika,

- Uvjerenje o plaćenim poreznim obavezama, a obaveznici poreza na dodanu vrijednost i uvjerenje o izmirenim indirektnim porezima za prethodnu godinu,

- Uvjerenje Ministarstva finansija da nema dospjelih a neizmirenih obaveza po osnovu naknade za koncesiju (za pravna lica koja su korisnici koncesija),

- Uvjerenje nadležnog suda da odgovorno lice nije u posljednjih 5 godina osuđivano u sudskom postupku

za kršenje zakona u smislu poslovnog ponašanja,

- Uvjerenje nadležnog suda da nije pod stečajem ili pred likvidacijom (privredna društva) ili potvrda od nadležne općinske službe za upravu da obrtniku ili fizičkom licu nije utvrđen trajni prestanak obavljanja registrovane djelatnosti,

- Potpisanu i ovjerenu izjavu o nakani namjenskog korištenja sredstava,

- Reference listu (lista glavnih usluga pruženih u posljednje 3 godine sa ukupnim vrijednosnim iznosima, datumima i primaocima),

- Dokaz o posjedovanju projektne dokumentacije za izgrađeni objekat ili objekat u izgradnji-građevinska dozvola (Lot 6)

- Odobrenje-Rješenje za upotrebu objekta izdato od nadležnog organa (Lot 6),

- Odluka o osnivanju subjekta od strane jedinice lokalne samouprave (Lot1),

- Dokaz o posjedovanju projektne dokumentacije za poduzetničku zonu ili da je u fazi izrade proj. dokumentacija (Lot 1),

- Dokaz o obuhvaćenosti prostornim planom jedinice lokalne samouprave (Lot 1),

- Dokaz o uplati naknade za preuzimanje tenderske dokumentacije,

- Ostale dokumente koji se traže u tenderskoj dokumentaciji za pojedini lot.

**Napomena:** Svaki lot je neovisan paket za određivanje vrijednosti i ugovaranje. Ponuđači koji podnose prijave za više lotova dužni su dostaviti ponude za svaki lot posebno.

Ponuđač, bez obzira koliko ima programa, može imati samo jedan program koji će poduprijeti Ministarstvo privrede.

Sve kopije moraju biti ovjerene od nadležnog tijela. Sva dokumenta moraju biti priložena i izdana od strane nadležnih sudskih ili upravnih organa u FBiH i ne mogu biti starija od 3 mjeseca od dana objavljivanja ovog poziva. U suprotnom kompletan program – projekat biti će odbijen i neće biti predmet daljnjeg razmatranja.

Program i sva dokumentacija tražena javnim natječajem i tenderskom dokumentacijom mora biti prikladno uvezana u cjelinu logičkim redom (prema popisu dostavljenih dokumenata).

Izbor korisnika izvršit će stručna komisija na osnovu propisanih kriterija. Spisak programa – projekata koje prihvati stručna komisija bit će objavljen najkasnije 21 dan od zadnjeg dana za podnošenje projekta – programa na oglasnoj tabli Ministarstva privrede i Vlade SBK te na web stranici Vlade SBK: [www.sbk-ksb.gov.ba](http://www.sbk-ksb.gov.ba).

Ponuđači čije programe – projekte ne prihvati stručna komisija mogu Ministarstvu privrede uložiti prigovor u roku od 7 dana od dana objave rezultata radi provjere činjenica i objektivnosti ocjene programa.

Konačnu Odluku o raspodjeli sredstava donosi Vlada SBK i ista će biti objavljena u Službenim novinama Srednjobosanskog kantona.

Broj prihvaćenih programa – projekata, te visina sredstava koja će se dati na raspolaganje korisniku, ovisit će isključivo o visini kvalitete i stepenu povoljnosti programa – projekta.

#### IV. KRITERIJI ZA OCJENU PROGRAMA I IZBOR KORISNIKA

##### LOT 1. Izgradnja poduzetničke infrastrukture

- Kvaliteta ponuđenog projekta 30%
- namjena poduzetničke zone (proizvodno-prerađivački privredni subjekti, tehnološko-razvojno-inovacioni centri, logističko-distributivni centri) 30%
- stanje infrastrukture do zone 20%
- stepen samofinansiranja 10%
- osiguranje sredstava iz drugih izvora 10%

Maksimalni iznos poticajnih sredstava po jednom korisniku je do 15.000,00 KM.

##### Lot 2 Poticaj udruženjima poduzetnika i obrtnika

- kvalitet projekta 30%
- brojnost ciljane skupine-broj članova udruženja 30%
- stepen samofinansiranja 20%
- osiguranje sredstava iz drugih izvora 20%

Maksimalni iznos poticajnih sredstava po jednom korisniku je do 5.000,00 KM.

##### Lot 3 Poticaj za obrt (opstanak i razvoj tradicionalnih-starih zanata)

- povećanje zaposlenosti 20%
- kvalitet projekta 20%
- ukupna vrijednost investicije 20%
- stepen samofinansiranja 10%
- osiguranje sredstava iz drugih izvora 10%
- čuvanje kulturnog i historijskog naslijeđa-tradicionalni zanati 20%

Maksimalni iznos poticajnih sredstava po jednom korisniku je do 5.000,00 KM.

##### Lot 4 Poticaj turističko-ugostiteljskoj djelatnosti

- Kvalitet i kompleksnost projekta 20%
- Finansijski plan 20%
- Stepem samofinansiranja 20%
- Povećanje zaposlenosti 20%
- Originalnost projekta u smislu proširenja turističke ponude 20%

Maksimalni iznos poticajnih sredstava po jednom korisniku je do 10.000,00 KM.

##### Lot 5 Poticaj za opstanak i rast subjekata male, srednje i velike privrede,

-	ukupan broj zaposlenih	30%
-	povećanje zaposlenosti	10%
-	vrijednost izvoza	30%
-	kvaliteta projekta	10%
-	stepen samofinansiranja	10%
-	osiguranje sredstava iz drugih izvora	10%

Maksimalni iznos poticajnih sredstava po jednom korisniku je do 20.000,00 KM.

Lot 6 Poticaj za subvencioniranje administrativnih troškova kod registracije (otpočinjanja) obrta i subjekata male, srednje i velike privrede kao i administrativnih troškova kod izgradnje poslovnih-proizvodnih objekata

-	površina korisnog poslovnog prostora objekta	20%
-	ukupan broj zaposlenih	20%
-	povećanje zaposlenosti	10%
-	kvalitet projekta (stepen samofinansiranja, osiguranje sredstava iz drugih izvora, doprinos očuvanju okoliša, ostvarena priznanja na sajmovima i izložbama)	20%
-	ukupna vrijednost investicije	30%

Maksimalni iznos poticajnih sredstava po jednom korisniku je do 15.000,00 KM.

Lot 7 Izgradnja inovativne privrede (inovacije; uvođenje ISO standarda; osiguranje CE znaka; transfer znanja i tehnologija).

-	stepen uvođenja sistema	20%
-	broj zaposlenih	40%
-	vrijednost izvoza	20%
-	stepen samofinansiranja ili finansiranja iz drugih izvora	20%

Maksimalni iznos poticajnih sredstava po jednom korisniku je do 15.000,00 KM.

## V. PREUZIMANJE TENDERSKE DOKUMENTACIJE

Tenderska dokumentacija se može preuzeti u vremenu od 09,00-14,00 sati u Ministarstvu privrede SBK, na adresi Prnjavor 16, Travnik (bivša zgrada ŽAS-a), uz ovjeren 3. primjerak virmana o uplati nerefundirajućeg iznosa od 30,00 (trideset) KM po jednom primjerku.

Uplata se vrši na depozitni račun Vlade SBK br: 3380002210020912, vrsta prihoda 721119, poziv na broj 0161000000 sa naznakom «otkup dokumentacije za lot broj \_\_\_» Poticaj privredi.

## **VI. PODNOŠENJE PROJEKTA**

Zapečaćeni programi-projekti sa odgovarajućim priložima šalju se preporučeno poštom ili lično dostavljaju na adresu:

Ministarstvo privrede / gospodarstva  
Stanična 43  
72270 TRAVNIK

sa naznakom : „NE OTVARATI – po javnom natječaju za Lot br. \_\_\_“ - „Poticaji privredi“

Rok za dostavu programa-projekata je 20 (dvadeset dana) od dana objave ovog javnog poziva za natječaj.

Projekti – programi primljeni nakon isteka roka neće biti razmatrani.

## **VII. TROŠKOVI PROJEKTA – PROGRAMA**

U postupku javnog natječaja Ministarstvo privrede ne snosi nikakve troškove učesnicima natjecanja, te zadržava pravo da projekat-program prihvati u cijelosti, djelomično ili ga u potpunosti odbije, poništi javni natječaj ili odbaci sve projekte-programe u bilo koje vrijeme prije sklapanja ugovora.

Ministarstvo privrede neće snositi nikakvu odgovornost prema učesnicima natjecanja, niti je obavezno objasniti razloge takve odluke. Prispjela dokumentacija o programima-projektima neće se vraćati.

## **VIII. OSTALE ODREDBE**

Sa kandidatima čiji se programi-projekti prihvate, Ministarstvo privrede SBK će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za natječaj mogu se dobiti svakim radnim danom putem telefona broj 030/ 511 – 217 od 10,00 do 15,00 sati ili e-mail: [min.priv@bih.net.ba](mailto:min.priv@bih.net.ba) .

MINISTAR

Bajro Makić, dipl.ing.